



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

V. Quinam sunt effectus prædestinationis & reprobationis.

urn:nbn:de:hbz:466:1-38954

Rom. 9.) Nunquid dicit segmentum ei, qui se fixit: quid me fecisti sic? an non habet potestatem figurum tati, ex eadem massa facere, aliud quidem vas in honorem, aliud vero in contumeliam?

SECTIO V.

Quinam sunt effectus prædestinationis & reprobationis.

Quamuis (vt recte docet S. Thomas) i. p. q. 23. a. 2. prædestinatio formaliter non sit in prædestinato, sed in Deo prædestinante; nihilominus, in quantum executioni mandatur, aliquos effectus producit in ipso prædestinato, de quibus quaestio proposita intelligenda est. Pro cuius resolutione.

Dicendum i. duos esse in genere effectus prædestinationis, gratiam scilicet & gloriam. Porro quia gratia duplex est, vna actualis, quæ dicitur gratia vocationis, altera habitualis, quæ vocatur gratia iustificationis; hinc factum est, vt primus ille effectus nomine gratiæ comprehensus in duos subdividatur; & sicut tres præcipui effectus prædestinationis numerentur, nempe vocatio, iustificatio & glorificatio, iuxta doctrinam Apost. Rom. 8. *Quos prædestinavit, hos & vocauit; & quos vocauit, hos & iustificauit: quos autem iustificauit, illos & glorificauit.*

Est autem obseruandum, ad gratiam vocationis reduci omnia auxilia & adiumenta, non solum interna, sed etiam externa, quæ ad iustificationem suo modo simul cum internis concurrunt; vt externa Euangelij prædicatio, à parentibus Christianis ortus & educatio, occasionum peccandi remotio, cum pijs & bonis conuersatio, fraterna correctio, & alia similia. Ad gratiam quoque iustificationis pertinere omnes alios habitus supernaturales, qui simul cum ipsa gratia habituali infunduntur; vt habitus fidei, spei, charitatis, & aliarum virtutum supernaturalium, item dona Spiritus Sancti, gratias sacramentales ac donum finalis perseverantia. Ad glorificationem

denique

denique pertinere non so'um ipsam visionem beatificam & amorem beatificum; sed etiam a ia dona gloria accidentialis, quæ vel animam vel corpus respiciunt. Quæ omnia & similia inter effectus prædestinationis computari debent, & tanquam ab illa benevolentia & charitate prouenientes, quâ Deus ab æterno prædestinatos ob Christi merita dilexit, & per quam illis tot & tanta suæ largitatis dona præparauit.

Dicendum z. duos esse tantum effectus reprobationis; primus est permisso peccati, vnde dicit Apostolus Rom. 9. quod si Deus volens ostendere iram, & notam facere potentiam suam, sustinuit in multa patientia, usque ira apta in interitum: & ad hunc effectum reducitur obduratio seu exæratio reprobri; cùm nihil aliud sit quā ipsa peccati permisso, quatenus Deus permittingo peccatum, simul iusta aliqua ex causa subtrahit reprobo peculiare aliquod gratiæ suæ auxilium, quo eius cor emolliretur, vel illuminaretur intellectus. Secundus verò effectus reprobationis est æterna ipsius reprobri punitio, ut patet ex illis Christi verbis Matth. 25. Discedite à me male dicti in ignem eternum.

Quæres, an etiam peccata ipsius reprobri dici debeant effectus reprobationis? respondetur negatiuè, quia effectus reprobationis sunt à Deo reprobante, ut à causa; at qui Deus peccatorum causa nec est, nec dici debet, ut iam alia occasione probatum est, & fusius probabitur in tractatu de peccatis.

SECTIO VI.

An prædestinatione sit certa, & an à prædestinato cognosci posse.

Questionis propositæ quoad primam illius partem sensus est, an prædestinatione certò & infallibiliter effectum suum consecutura sit: cùm autem duplex certitudo distingui possit, una cognitionis, quâ Deus certò